

栗
香
五
筆

粟香五筆卷三

號季子白寶盤銘

常州石刻四種

惠山石牀題名跋

陳庚首墓磚

張太常墓誌銘

申港季子墓十字碑

建炎復江陰軍指揮碑

溪州銅柱

玉臺名翰

詩壇點將錄

牆東類稿校勘記

粟香五筆卷三

江陰 金武祥 蒞生

號季子白寶盤銘

號季子白寶盤銘曰佳十有二年正月初吉丁亥號

季子第一行 白白 寶盤不顯子白庸武于戎工第二行 經

縷三方博伐殷虢于洛之陽折第三行 首五百執繫五

十是以先行第四行 頤頤子白獻第四行 戒于王王孔加子白

義王各周廟宣第五行 廟奉卿王曰白父孔猷有光王

賜第六行乘馬是用左王賜用弓彤矢其央第七行賜用

戊用政繚方子子孫孫萬年無疆第八行銘文百十一

字八行行約十三字盈者以其合文重文縮之道光
間陽湖徐傅兼大令燮鈞宰郿因公之瑤雞于虢川
鎮得之虢川古西虢地也以大車輦歸重專車以建
初銅尺度之長五尺有九寸一分疆廣三尺有七寸
二分高尺有八寸弱中深尺有七寸疆四足足高二
寸有五分疆八環面各二環紐銜之環徑三寸銘刻

盤內庚申亂後盤爲合肥劉氏所得余近見徐氏搨本並陳介祺瞿樹珪呂佺孫辭子衡釋文四篇爰擇其文之簡明者間埶鄙意分句釋之于後

隹十有二年正月初吉丁亥號季子白比寶盤

號季子白號君字也號君之見于春秋左氏傳者隱八年有號公忌父桓五年有號公林父八年有號仲林註以爲卽林父莊二十年有號叔至僖五年號公醜遂滅於晉無稱季及子白者則子白蓋

忌父先君在春秋前通鑿夷王二年命虢公伐太原之戎是虢之伐獫狁世有勳績竹書紀年宣王五年夏六月尹吉甫帥師伐獫狁至于太原以盤文是以先行之說推之蓋是役也尹吉甫爲帥方叔佐之

本王氏質說

而子白爲之先行是事在宣王五

年至十二年乃作盤紀功百毛詩小明二月初吉

傳所註朔日是也

白古通作伯又通帛春秋左氏傳隱二年紀子帛

公羊作伯史記伍子胥傳伯嚭越絕書作白喜是其證也或謂應釋作如字如齊桓公之名小白不
得以季而名伯然如魯叔仲彭生稱叔仲惠伯叔
仲帶稱叔仲昭伯子叔嬰齊稱子叔聲伯以及孟
孝伯孟武伯之類其稱號季子伯于文未爲有害
如釋作白反嫌與下文王曰伯父之文難通矣
不顯子白庸武于戎工

不顯猶言豈不顯也武上一字作𠄎从庚下作月

當爲用之半泐是藺字庸古同用說文庸用也或
又謂武上一字是古文龍字龍古通寵戎爾雅云
大也工古通功傳曰寵之以武威詩周頌曰念茲
戎工卽此寵武於戎工之義

經纒三方博伐厥虢于洛之陽

纒卽維鐘鼎多從及四說文籀文作三蓋古一二
三四皆從積數經纒三方猶毛詩言經營四方小
雅云薄伐玁狁博薄古通字博說文從十此从干

蓋古文嚴說文一曰地名嚴允爲北戎國故許氏云地名也獬古文允說文無獬狝字毛詩陸氏釋文云獬本或作嚴狝本或作允今毛詩本作獬狝淺儒增加偏旁耳

洛說文云出右馮翊襄德北夷界中

今本說文作歸德誤東

南入渭正近嚴允地非禹貢導自熊耳之洛

禹貢之洛

當作詩六月獬狝非茹整居焦穫侵鎬及方至于

涇陽傳焦穫周地接獬允者涇與洛同爲雍州之

水獬狁侵周南至涇陽周伐獬狁北至洛陽爲西
北洛水之陽非東都之洛陽也

折首五百執繫五十是以先行

折說文斷也折首猶言斬首易離上九有嘉折首
是也執繫囚虜也五百二文合體五十二文同方
鐘鼎往往如是先行軍之前鋒也六月詩曰元戎
十乘以先啟行正與此文合

頤頤子白獻戒于王王孔加子白義

鍾同桓或當作𣪠或古戎字个卽甲之古文或以爲當作𣪠戈乃或之省文甲乃𣪠之省文倒書耳或以爲物字反刻加嘉古通用

王各周廟宣府采卿

各鐘鼎多借作格至也宣府當从左傳杜註作講武屋解蓋上文旣云王各周廟不應更言宣王之廟也說文無府字左氏傳作榭公羊傳作謝采當是受字說文受相付兼有授義王旣嘉子白義卽

要香五筆 卷三
命之爲卿也

王曰白父孔猷有光

號王季之穆故曰伯父猷卽顯

王賜乘馬是用左王賜用弓彤矢其央賜用戊用政
繚方

央通作英詩鄭風二矛重英鄭箋畫飾也或卽以
爲旂旐央央之央作鮮明解蠻作繚古文多省借
用政繚方者維時北狄旣伐而南蠻未靖遂賜以

征伐之權也是子白之博伐獫狁用政蠻方與方叔之征伐獫狁蠻荆來威時事並同則是盤爲宣王之時物無疑篆法與石鼓文同可定石鼓爲宣王時造足破諸家聚訟矣

常州石刻四種

吾郡金石家孫氏淵如寰宇訪碑錄陸氏紹聞金石續編皆搜羅甚富而近在同郡者尙多遺漏未收如余里居所得四種皆出孫陸所錄之外緣亟登之

南唐無盡甘泉題記

無盡甘泉 大字分書橫列

常州晉陵縣定安鄉困實里居住奉 佛弟子朱

案章施財重新贄砌口口口口大井一口并脩蓋

井亭功惠追薦亡妻周氏小三娘口往生淨土岿

太歲己巳七月中澣八日題 小字正書

按南唐井闌今藏武進縣天甯禪寺石縱橫二

尺一寸強己巳係宋開寶二年時南唐後主嗣

位之九年奉宋正朔不建年號故不紀元

唐姚勛等題名

姚勛陸墉李約文王知退崔子逸邵汝翼余耽彭
圖鄭瑤鍾離權大中四年二月六日遊

按姚勛等十人題名篆書摩崖十三行人各一
行十一十二行行各四字末行一字大二寸許
在荆溪縣善卷洞

宋國佐等題名

嘉定癸未秋八月八日前進士莆田國佐方子同
沈西白方子蘭同邑人任口遊此

按國佐等題名行書摩厓在善卷洞纜姚勛等
題名上若今套板然爲金石家罕見七行行四
五六字不等嘉定癸未甯宗十六年也此與姚
勛等題名甯楷宜興志均以爲多闕文

元天慶觀石柱題名

至正己丑春三月十一日壬寅吉辰提舉劉性存

住持劉何達建

按石柱題名在常州府治通吳門外天甯寺東
偏石柱上其地舊天慶觀址柱凡六西向文刻
自北至南第五柱上二行正書至正己丑順帝
九年也性存何達疑皆郡人

惠山石牀題名跋

惠山石牀題名剝蝕模糊不易辨識裘葆良孝廉告
余曰近時邑人劉石香司馬繼增親往椎拓於吳平

齋觀察雙鈎本外復審定十餘字後寄示石香所作
跋云元王仁輔無錫志惠山寺大同殿下有聽松石
牀唐李陽冰篆聽松二字於上石牀側有大松二唐
寶祿二年飭造競渡牛尾舟將伐松爲之是夕松忽
哀鳴遂奏免明馮善錫山志石牀在殿前月臺下長
可五尺廣厚半之上平可供偃仰故名石牀皮日休
詩松子聲聲打石牀卽此此見諸前代記載者其於
題名皆略而未詳石在明成化初二松已亡嘗一徙

寺左聽松庵邵文莊寶作詩載容春堂集康熙十年
仍還故處道光十五年知縣曾承顯撰記爲亭覆之
咸豐庚申之變亭與寺俱毀同治四年割殿後地建
淮湘昭忠祠石湮瓦礫中初無知者逾年始出遂復
爲亭今祠門左偏是也石質堅頑初未礪治以形似
故名爲牀其面正平一端翹起若枕向外綯其角刻
聽松二篆於左方爲一行篆右並列行楷十行字參
錯不齊文向右讀云松石相望於十步外不知幾何

時合而相從理若有符政和甲午睢陽張回仲賢得
而出之可以礚礚可以偃仰遂爲茲山登臨勝處至
者當自得之惟勿遷勿伐俾勿壞同來者六人

泐一
字

州李永久中廣陵俞光祖慶長汝南何安中得之

一泐

字

中將之寺僧奉仙六月丙午凡一百有二字內泐

二字其平面有行書二行行七字云嘉熙己亥歲處
暑日止泓趙希袞攜家過此與諱侍行按王翦林澍
作竹雲題跋自言雍正六年拓聽松二篆右有行楷

磨滅不可復識閱六十餘年翁覃溪方綱復初齋集云今拓尙微辨行楷十行筆勢如黃山谷不知何人所作又閱六十年道光二十八年吳平齋氏雲尹金匱日到惠山手自搥拓凡翁氏所闕而未識者復審出十數字詳載所著金石記中是其文字若前晦而後顯蓋拓有精麤愈辨愈精耳吳氏又據宋史宗室表考得石面題名趙希衮爲舒國公維忠後師協子與諱爲冀王維吉後希瓌子皆燕王德昭裔謂此題

名爲從來著錄家所未見以孫淵如星衍寰宇訪碑
錄卷四載聽松二字卷八載惠山寺張回仲題名卷
九載惠山趙希寰題名並不指爲一石爲失據其說
良是惟聽松二篆爲李陽冰書出王仁輔志乃云始
自竹書題跋所定則非也同治四年秋吳氏重過惠
山訪石牀不得見疑已毀失乃取曩拓本雙鉤作跋
刊諸木而平面字大冊隘不及摹仿第錄其文稱其
筆法類瘞鶴銘而已光緒二十年繼增持所刊雙鉤

本至石牀拓證字迹較前更加剝蝕平淺處撫摩滑澤若無字然細審之蝸痕灰綫隱約可尋其聽松篆右題名吳本所闕者又辨得十字如張回仲下賢字上半尙存知回是其名仲賢其字閱下文諸人名書例皆如此可正志乘記載牽連稱張回仲題名之誤六月丙午六字僅有左半一橫及下兩平點月字則石有凹凸上半粗淺下半細隱非乾墨輕拓不可見考宋歷日政和四年六月有丙午餘於正四八十

十二此五月亦有丙午然皆不類定是六月無疑其
平面處暑日止四字亦吳本所闕也昔之不可復識
及一再審辦不能盡得者今具錄如右而今所不可
識如篆右第二行符字全泐及他疑似處則轉取吳
氏本互證得之語云金石之壽不如竹簡爰詳紀之
爲後來考古助

陳庚首墓碑

陸彥和學博言其祖自下浦遷居郡城稱下浦陸氏

下浦尙有陳氏亦繁衍其遠祖唐陳庚首墓巍然猶存近出有磚其文云皇唐歲次丁未 大和元年七

月己丑六日甲子日亾 常州晉陵縣 萬春鄉

亭山里 下浦村西五里青山彎 夫人薛氏戊申

生 墓一所 東去山七十步 南去湖二百步

西去山一百步 北去山卅步 庚首之墳 磚廣

六寸長一尺正書同治辛未陽湖新塘鄉民創土出之爲彥和所得西彎其地土名今猶稱青山彎上有

古冢云下浦陳氏始祖常州太守庚首公暨夫人薛氏墓碑係 國朝道光間重立按陳氏謹始祖庚首爲隨司徒杲仁裔孫唐寶厯間任常州太守葬於晉陵下浦村西子孫遂家焉自唐迄今世守廬墓謹牒未失確爲可信陳椒峯府志職官表寶厯間有陳氏逸名豈卽庚首歟白居易有酬常州陳郎中使君詩亦不知其名新書宰相世系表不著司徒一支又陳氏宰相三人叔達希烈夷行而世系不見希烈故知

譌脫者不少也百官志唐天寶元年改刺史爲太守
至德二載復改爲刺史是寶厯太和間竝無太守名
號豈其子孫以刺史太守爲通稱遂沿習不改與姑
存疑以俟攷

張太常墓誌銘

甲午二月道出無錫適南郊有古墓坍塌棺已半朽
出墓誌銘石尙完好其鄉人昇置公所好事者相率
推搗余往觀獲一紙知爲宋時張君源明墓父子舉

進士而邑志選舉表未載晤裘葆良孝廉出示跋語
并錄於後亦志乘及金石家所宜採也

宋故朝奉郎太常博士三司推勘公事騎都尉賜緋

魚袋張君墓誌銘

并序

馬仲甫撰文 張芻篆蓋 呂希道書丹

嘉祐中三司使蔡公方大振職事飭僚屬乃表 著

作佐郎張君子朝以爲推勘公事而君以稱職聞居
三年治平丙午五月十六日疾卒其孤中行以其喪

歸常州無錫縣卜十月初三日甲申將葬于景雲鄉
恩覃里之先塋且請銘於予予守台州時君實爲從
事予固知君者也乃序而銘之

君諱奕字源明常州無錫人曾祖諱卓祖諱漢濱父
諱瑩贈大理評事母陳氏追封仙遊縣太君湯氏封
壽昌縣太君君起家舉進士擢乙科歷太平台洪三
州之從事改著作佐郎在三司遷祕書丞太常博士
君敏博而有文其在鄉里以行義稱及出而仕尤長

於時務遇事不苟思欲冥諸理而後已台有大水隄防繕完之智出於倉卒民卒賴以安實君力焉郡人張希房尙幼君視其材可教收而授之以學問孜孜焉若己之子後果擢進士第洪之屬邑有以縱火民家囚上于州有司議弃市君獨疑曰是可死邪請自案獄果得所以未盡之狀而囚論得免吏以誄服京師大眾之地獄訟之夥獨天府與三司焉而三司又括天下之賦入凡諸道之務巨細悉關決之故事物

之機會人情之姦利日以至者蓋百計顧非明且恕者處之則幾不能無刑法之濫君矯枉去弊多所辨正其陰施在人深矣予聞善惡不虛其報君雖不克身享之安知不在其後乎君享年五十有五娶朱氏封仁和縣君二子中行其長也舉進士次梁卿始三歲後君十五日而卒三女長適鄉人陳充先君卒次適進士李毅次尙幼銘曰

士之有志 艱乎得時 時之旣得 若將可爲

乃不永年 天口奪之 謂天與善 則予不知

裘跋略曰按塵史選人磨勘者進士出身爲著作
佐郎餘人爲大理寺丞謂之京官職官志三司推
勘公事以京朝官充奕以進士爲著作佐郎以佐
郎任推勘與史志塵史俱合李燾長編嘉祐六年
置三司推勘公事一人治平三年正月罷罷後四
月奕始卒故序不言卒於官曰歸葬者奕解職後
以朝請留京師也塵史祕書丞以上曰升朝官始

奉朝請曲洎舊聞元豐以前二府侍從有薄罪猶以本官歸班朝請則無罪去官者可知奕此時蓋以太常博士歸班博士寄祿官也不治事奉朝請而已又按赤城志張希房臨海人舉嘉祐八年進士終金壇縣主簿而馬仲甫守台在皇祐三四年奕自太平移台遂爲仲甫從事其舉進士當在皇祐前爲推勘則在嘉祐六年蔡襄爲三司使後宋初三司號計省而英宗謂呂公弼曰蔡襄主計訴

訟不以時決則知兼掌刑獄故誌云京師獄訟之夥惟天府與三司也撰書人惟馬仲甫宋史有傳張芻鄆人皓孫父名牧見李燾長編呂希道爲文靖之孫見王珪所撰呂公綽墓誌銘東坡集有贈呂希道知和州詩施注載其仕履尤詳此誌光緒二十年正月十七日羊腰灣農人鋤土得之其地今分隸金匱縣猶稱景雲鄉恩覃里與誌同昇而置之恆善堂計治平丙午至今八百二十有九年

邑多張族而譜牒皆始南宋或元明不復知君爲

誰祖矣是月二十六日喪廷梁跋

後別泐后納諸墓曰疇墓斯太

常張奕其名字源明宋及清垂千霜名久曠茲大彰誌出幽蹕遐方重勒銘喪廷梁告億秋毋毀傷

申港季子墓十字碑

於虜有吳延陵君子之墓

大字篆書兩行

常州古延陵也吳季子所封之地至西漢爲毗陵

又至東晉爲晉陵宋齊因之隋平陳廢晉陵爲常

州唐因之或曰晉陵郡自晉武帝太康二年分曲

阿爲延陵至隋徙治丹徒唐武德三年徙延陵還
治故縣今潤之延陵鎮是也杜佑譚曲阿延陵有
季子廟非古之延陵古之延陵在今晉陵縣其說
明矣而孔子所書季子墓碑歲久益湮沒開元中
明皇敕殷仲容摹刻之大厯十四年潤州刺史蕭
定重刻石延陵廟中於是俗習徒見潤之延陵季
子廟而不知常實古延陵而季子之所封也崇寧
元年余以罪謫守是州因考太史公書歷代地志

通典圖經得其詳矣又得其所謂季子墓在晉陵
縣北七十里申港之西又曰暨陽鄉而暨陽隸今
之江陰縣乃屬令趙士澠訪之得大家於暨陽門
外三土里申港之側有季子廟與史記地志通典
圖經合於是表識其墓謹樵牧耕鑿之禁又摹取
孔子所畫土字刻碑墓上設像祀之學中以時率
屬吏士諸生拜焉所以示邦人貴有德也又備論
歷世廢興與俗習之變易刻之碑下後有君子得

以覽觀焉明□□□十五日降授奉□□□□□

□□

小字正書三十九行每行十字末行三字刻篆書下方今據縣志錄全文碑文莫辨者字

外作□以別之第三十七行明字以下縣志均未載碑僅存數字而已

按此碑在江陰城西申港鎮季子墓爲宋崇寧

二年知常州事朱彥立其記刻十字之下攷十

字自昔相傳以爲孔子之筆唐開元中元宗命

殷仲容搨其書大曆十四年潤州刺史蕭定重

勒石延陵廟中張從申記之在今丹徒之九里

鎮季子廟朱彥所摹取殆卽此本今蕭朱刻石
並存殷本則久佚矣朱本最後碑斷已久明季
一夕風雷大作斷石復完鄭峯陽鄂題聯云星
斗夜寒君子墓風雷時護聖人書古賢瑩兆與
先聖手蹟固應神靈呵護如此 攷武陽舊志
朱彥於崇甯元年閏六月以朝散郎守給事中
降承議郎出守八月降奉議郎又攷常州府志
江陰縣志職官表趙士澗均作趙士翊殊誤

又按以十字爲孔子書或疑或信論者紛如有

云止六字者

元吾邱衍學古編云古法帖止云嗚呼有吳君子六字篆法渙古今

此碑妄增延陵之墓四字除之字外

有云十二

三字是漢人方篆不與前六字合

字者

渙化閣帖載此碑乃是烏延陵封邑有吳君子之墓呼其字體既與汗簡及傳刻乖

戾而又妄增封邑兩字且烏呼兩字

有以君字

割列首末知王著無學任意粗亂

誤爲季者

學古編云漢器蜀郡洗郡字半邊正與此君字同用此法

有謂墓

字應爲葬者

孫星衍孔子題吳季子墓字攷云細釋慧字當爲葬字應是觀葬羸

博時書此文以歎美之轉展流傳自齊至吳誤葬爲墓以題季札子墓爲題札墓嚴可均輯全

上古三代文從之謂讀此當以於
虛句有吳延陵君句子之葬句
此言文之多

寡及音釋之誘至真偽之辨明都穆十字碑攷
云歐陽永叔好集古文其論此碑本之太史公
書謂孔子生平未嘗至吳不得親銘季子之墓
又謂其字特大非簡牘所容後永叔有趙明誠
者錄古金石多至二千而此碑不與遂使好古
之士不能不致疑其間穆嘗讀越絕見其中載
越王句踐躬求賢聖孔子徒弟子七十人奉先

王雅琴治禮往奏則孔子固嘗歷吳至越其書
近古言似非僞豈太史公未之見耶况春秋之
時賢如季子固聖人之所與今觀十字之間辭
約意博宛然魯史之法有非聖人不能及者蓋
不必親登其墓而後表之亦未可知也但觀之
筆以竹而紙以代簡則自漢始及觀古法帖亦
有是文大不逾寸而多二言庶幾竹簡之書宋
黃伯思號稱博物定其非僞今碑字若此豈真

是取掉後人轉相傳摹擴而大之又未可知也
又董道廣川書跋云李陽冰書篆奄數百年人
嘗謂初學繹山碑後見季札墓字便變化開合
如虎如龍勁利豪爽風行雨集是陽冰所從得
法不得謂非古也此當自有妙處今人不到陽
冰地安能議其是非所極哉

建炎復江陰軍指揮碑

建炎復軍指揮

兩浙轉運提刑司狀據常州江陰縣父老胡崇等

狀伏覩兩浙一路自祖宗管一十五軍州唯江陰
高郵軍於熙甯年中改爲縣緣江陰疆里闊遠人
民浩大自元祐已後民戶添增鹽錢一倍已上伏
見高郵軍口人戶陳乞已復□□况高郵不及江
陰戶口之半念江陰危險控扼之地邊臨大江接
連巨海向緣方賊作過及近爲西兵驚劫常州至
鎮江府放火殺人賊徒□□欲來燒劫江陰本縣
城郭民兵防托牢固方免侵犯一邑人民遂獲安

息願復爲軍兼本縣自廢軍爲縣所有舊軍諸官衙亭并雄節崇節等指揮及江陰城內見差兵馬都監兩員縣尉二員東西兩寨並見存本縣爲臨江海商旅販浩大所收稅錢過迭常州之數陳乞敷奏朝廷乞復爲軍額契勘常州江陰縣界在平江鎮江之間最爲唇齒要害之地今來□□本縣軍民申請依舊制改還軍額使之屯兵聚糧措置控禦則鎮江一帶邊江去處聲援相接委爲經

久利便伏望指揮許依所請復還軍額仍選有心
力諳知江路利害之人充知軍伏候指揮

按此碑在江陰縣署二門兩層刻額正書批答
行書牒正書十二行宋建炎二年十一月四日

牒淳祐七年六月知江陰軍陳鑄命工摹刻攷
江陰自南唐昇元中始建爲軍宋淳化元年廢
軍爲縣三年復置軍熙甯四年再廢建炎二年
復爲軍縣志云從父老胡崇等請復縣爲軍是

也此牒文縣志不載孫陸亦未著錄亟登之以
補志乘及金石家之缺

溪州銅柱

張潤生觀察贈溪州銅柱記印本蓋任湖南永順府
時所搨也攷鄜露赤雅馬伏波銅柱有十唐時馬總
安南都護亦建二銅柱五代馬希範平蠻立二銅柱
於溪州云云總與希範皆自謂援裔故踵而行之此
外立銅柱者唐時尚有何履光及張舟均不甚著

蔣叔

起廉訪榕堂續錄云關壯繆立於衡山唐伏波及總九徵立於洱海此二銅柱尤罕有知者

所立亦無銘記流傳

馬援銅柱相傳有銘曰銅柱折交趾滅六字溪州銅柱記又附

載援柱銘曰金人汗出鐵馬蹄堅子孫相連九九百年十六字然皆無搨本近時唐維卿中丞請釋日記云伏波銅柱越南人早不知所惟溪州銅柱有記及在欽州分茅嶺亦皆無的據

誓狀凡千數百字可證諸史之誤洵足寶貴特希範止此一柱不識亦雅何以云有二也嶺表錄稱伏波銅柱舊有刺史韋公幹刺愛州其柱在境公幹利其財欲椎鎔之士人訴於都督都督移書辱之公幹乃

止援之柱已不顯而五季所鑄流傳久遠張君官永順復作亭以護之可爲此柱幸矣 此柱鑄於五季

晉天福五年宋天禧元年移豎今所

地名會溪

武虛谷授

堂金石攷云此柱題銜足補十國春秋之遺而錢辛楣養新錄云記後刊銜名多攙入宋人題名字迹較劣知州通判都監鈐轄皆宋時官名斷非天福元刻余謂此柱旣於宋時移豎則宋人攙入題名正其時

也

張君既作亭長沙程頌萬爲之銘敘曰翰林南皮張君曾敷守永順之三年導和揚仁羣生豐遂以時按部登覽川陸軫乎銅柱暴露於野駢馬氏之靈蹟實尚岷所欽矚於是伐石陶甃爲亭覆之坳工於光緒十四年冬十一月丙寅越明年五月壬戌亭成靈宇載閱神物攸託溪之士民永懷丕績惟王靈遐暢巖俗蒸變二百年間法勝民矣然阨巫黔之衝奠槃弧之裔劃地立柱范金刻誓厥勛偉焉爰景馬氏之鴻

烈述使君之懿度敢勞彫篆遂纂斯銘銘曰赫矣皇
猷實遯荒遐俾歲百六溪氓永和使君之來搏拊揚
歌協彼靈物以融邦家翳漢垂休翳楚廓宇恫假窮
冥式綏蠻侮翔風所經膏露載溥匪我使君孰纘鴻
緒隴隴茲亭夾溪之湄永奠神蹟頤光南陔長存永
貴繼世崇基肅肅靈風迢迢區域惟我使君構茲盛
則岌岌羈縻巖阿發色景序庸勛永彰無極

玉臺名翰

玉臺名翰石刻構李女史徐範所藏墨跡原題香閨
秀翰爲晉衛茂漪唐吳采鸞薛洪度宋胡惠齋張妙
靜元管仲姬明葉瓊章柳如是凡八家舊尚有長孫
后沈清友曹比玉三家已失

蹇媛原跋似尚有朱淑真一家亦失

卷尾

尚有當湖沈彩一跋亦殘缺餘俱完好簪花寫韻各
極其妙向藏嘉興馮柳東太史登府家道光壬辰宜
興程朗岑大令璋借勒上石亂後逸亭兄得之度於
環川草堂近年余椎撫數十本徐範爲白榆山人貞

木女兒跛足不字自號蹇媛厲樊榭玉臺書史載之
其詩僅見兩浙輶軒續錄寒食云春陰如夢半闌珊
燕子無慘話畫欄幸是木棉衫未典今年寒食十分
寒對菊云小園吟遍六朝春冷月疏烟替寫神秋色
不多如此瘦西風何況卷簾人亦神韻獨絕也

詩壇點將錄

近見舒鐵雲乾嘉詩壇點將錄鈔本蓋仿東林點將
錄遊戲之作也敘云夫筆陣千人必謀元帥詩城五

字厥有偏師故登壇而選將才亦脩史而列人表遂
覺星辰可種借其說於九百虞初將使風月常新和
其聲於三千雅頌或蓋棺而論定或盍簪而勿疑或
廉蘭之無猜或尹邢之不避爰仿東林姓氏之錄演
爲西江宗派之圖嗟乎雙淚墮南州叔子不如歌伎
一尊傾東海中郎何似老兵此則汝南之評不遺孟
德元祐之籍未列歐陽豈曰以下無譏實乃於斯爲
盛文章千古玉帛萬重蓋惟善將將者始可與言詩

已矣鐵棒樂延玉序

詩壇都頭領

三員

托塔天王

沈歸愚贊云衛武公文中子風雅有篇隋唐無史然而築黃金臺以延士者則必請自隗始也吁嗟乎東溪村曾頭市及時雨袁簡齋贊云非仙非佛筆札唇舌其雨及時不擇地而施或膏澤之沾漑或滂沱而怨谷玉麒麟畢秋帆贊云智勇功名天下太平 掌管詩壇頭領 二員 智多星錢籜石贊云遠而望之幽脩漏近而視之瘦透皺不知者曰老學究入雲龍王

蘭泉贊云盛名之下一戰而霸湖海詩傳隨園詩話

參贊詩壇頭領 一員 神機軍師法梧門贊云前有

李茶陵後有王新城具體而微應運而興在師中吉

張吾三軍其機如此神之所以神 掌管詩壇錢糧

頭領 一員 小旋風阮雲台贊云宗廟之事願爲小其

旋元吉風肆好 馬軍總頭領 三員 大刀蔣心餘贊

云四十斤者魏朱亥十萬兵者漢樊噲巨刃摩天揚

則不如輕裘緩帶豹子頭胡稚威贊云十八武藝皆

高強有時誤入白虎堂霹靂火趙頤北贊云燦以赤

雌霹靂

馬軍正頭領

十四員

雙槍將邵夢餘贊云

兒女英雄天下健者惟董公雙鞭蕭子山贊云堂堂
之陣正正之旗是孫武子是傅脩期沒羽箭舒鐵雲
贊云棄爾弓折爾矢高固王翦有如此似我者拙學
我者死一朝擊走十五子小李廣陳雲伯贊云無雙
國士飛將軍孰爲前身孰後身昨夜彎弓射猛虎詰
朝視之石飲羽金槍手彭甘亭贊云鉤鎌槍若是班

連環馬不復還家藏雁翎之甲最精妙竊此者誰鼓
上卓撲天雕楊蓉裳贊云縷金刻玉落雕都督病尉
遲孫子瀟贊云恃一鞭鬪呼延青面獸張船山贊云
殿前副使將門子弟可惜寶刀用殺牛二美髯公姚
春木贊云隨陸無武絳灌無文未若髯之超倫軼羣
插翅虎查梅史贊云虎頭萬里飛食肉何如朝吸湖
光飲山淥九紋龍嚴麗生贊云瓦官寺前少華山上
誰曰翩翩少年不敵幽燕之老將急先鋒周劉雲贊

云長槍大戟震動一切沒遮攔許周生贊云結客少年場春風滿路香并木犴翁霽堂贊云青松磊落白鶴瘦謙謙君子上應列宿 步軍先鋒正頭領 二員

花和尚洪雅存贊云好个莽和尚忽現菩薩相六十斤鐵禪杖行者黃仲則贊云殺人者打虎武松也

步軍衝鋒挑戰正頭領 一員 黑旋風王仲瞿贊云

牛面鐵風則黑突如其來如學萬人敵 步軍衝鋒

挑戰副頭領 一員 浪子郭頻迦贊云東京燕東林錢

合傳之體司馬遷 水軍總頭領 一員 混江龍姚姬

傳贊云家住潯陽江上欸乃一聲有時絕唱 相士

頭領 一員 紫髯伯翁覃溪贊云滄江夜夜虹貫月惟

有玉蟾蜍清淚滴 探信接賓四酒店頭領 四員 撲

着天盧雅雨石將軍李味莊雲裏將軍曾賓谷旱地

忽律程魚門贊云八百孤寒三大白豈有酖人難再

得 管理文報頭領 一員 神行太保戴金溪贊云飛

行絕迹其言不出 水軍副頭領 五員 立地太歲劉

芙初短命二郎樂道家活閻羅吳蘭雪船火兒呂叔
訥浪裏白條錢竹初贊云不平則鳴如水上之風行

管理軍政頭領

一員

鐵面孔目王鐵夫贊云斷斷

不堪和顧公在座

馬軍票騎舊頭領

十員

百勝將

孫補山天目將趙璞函聖水將顧晴沙水火將孫淵
如鎮三山吳穀人醜郡馬夢文子火眼狻猊張瘦銅
鐵笛仙趙味辛摩雲金翅伊墨卿赤髮鬼查榕巢贊
云小邾莒大齊魯迭長敦槃各建旗鼓以上或一人

一贊或數人合贊以後分列頭領而無贊實未成之
草稿也

牆東類稿校刊記

吾邑元時陸子方牆東類稿二十卷 四庫提要稱
其爲元初哀然一作者道光己亥李申耆先生借鈔
文瀾閣所藏永樂大典中蒐輯之本俾陸清臣梓之
庚申亂後傳本希有余前在粵中赤溪任所擬重刻
之校刊舊刻譌舛處數十條適奉諱未獲重鈔因將

校刊各條先記於此異日能償此願與否未可知也

卷一

第三頁

自當時王道脩明至不學則失之凡七行

此數行雜語錄氣與通篇不類疑是小註

編永樂大典者誤鈔作正文也 篇末上

一章是个不息字二語亦然

第十頁

昭賁火之神明神明疑當作文明觀下篇

仰昭代之文明可見 鹿鳴之三疑當作

鳴鹿之三方可對上句嘉魚之什

卷二

第一頁 髮亦種種亦字重下句疑有誤

第四頁 新婦雖處於爾姑爾姑當作兩姑

第七頁 徒勞夢寢疑當作夢寐

第九頁 幸過昌黎之仙伯過疑當作遇

第一頁 頗衰老子衰疑當作衰頗衰老子見後漢

書馬援傳成句也

卷三

第二十頁 亂我者太子也我字下脫家字

卷四

第二頁 卮貌蠟言卮當作柅

第九頁 何必受人之牛羊必疑當作異下文何異
扼飢者之吭句法正同可推而知也

卷六

第十頁 不奉法者不字疑在字或而字之誤

第十二頁 送陳君仲謙同長興州序文稱程君吉甫
有子仲謙陳程二字必有一誤

第二廿頁 爲第一議議疑當作義

卷八

第四頁 彼伏波擊交趾彼字疑當作後字

第二十頁 其學幹略勤敏其學二字疑倒

第三十頁 澗立巖石之下立字疑有誤

第七十頁 儒者則合爲從道疑有誤或合字當作曷

第廿頁 又何力致之耶何疑當作可

卷九

第六頁 畏遣而懼罪者遣疑當作謹

第九頁 落筆輒不忘凡忘字疑衍

第十頁 豈敢如子產之面乎敢字疑

第十一頁 刪前三百篇前字疑

第十二頁 其友固不識耶似用豫讓事然耶字可疑

卷十

第二頁 西川看競度度疑當作渡

第七頁 前輩謂不可觀人觀人下疑脫家書二字

第十頁 疑水焦火水疑當作冰

卷十一

第四頁 與和李瑞卿與和二字疑有誤

第十頁 聞北方有醜醜老老字疑當作者

卷十二

第五頁 雍管議創屯田雍疑當作邕雍邕古通然

豈管地名諸書無作雍者以與雍州溷也

第廿頁

浮光爲極邊浮字疑誤

淮西路鈴鈴疑

當作鈴

卷十三

第十六頁

塘石未具塘疑當作壙

第十九頁

向心報國向字疑

卷十四

第一頁

幽居被圍幽字可疑

第四頁 監慶元鮎琦鎮鮎琦當作鮎琦鮎琦見漢

書地理志

第八頁 應充里正主首首疑當作者

第十一頁 扁虛束手虛當作盧

第十二頁 易華皖于正寢皖當作皖見禮記檀弓

下文挽古道以自期挽字亦恐誤

第十四頁 知閻公之得婚婚疑當作婿

卷十五

第四頁 作者敦竊比敦疑當作敢

第五頁 茗枝伏燕鵲疑當作雀 溟風日已薄

一首中有李侯今之人語與題不相應是題

送陸同知恐是另送一人失其原題誤列前首

之後且前首長此首短體格亦不同

第十二頁 客行困弔苦苦疑當作古

第十三頁 出位獨難咤難疑當作歎

第十三頁 余先秀崇德人秀字可疑恐是世字或本

字之訛

第廿四頁

莫壓鳥雀喧壓字疑當作厭

蕭蕭黃素

葉素字疑

第廿五頁

仙人來賢聖來字當作未係用昌黎詩

銀燭瀉高簷燭當作竹見太白詩

盤水

走低昂水疑當作珠

卷十六

第十頁

子京永敘老交友白首鶯雁陪風流敘當

作叔雁當作燕

第十頁

身被紅綃帝握濃握疑當作渥

第八頁

誤長清談室致患室疑宜字或空字之譌

第九頁

玉人慘淡何人筆玉人疑當作玉花

卷十七

第一頁

邀渴夜相迎邀渴字疑有誤

第三頁

那當老病生生疑當作身方叶韻

卷十八

第五頁 中秋見梅詩注成幽香香當作昏

第九頁 官民乘訪皆公論乘疑當作采

第十四頁 置酒清和反怒章和疑當作河

卷十九

第二頁 圍圍方是樂是疑當作自

第六頁 醉呼楊盧主文盟盧當作陸謂楊誠齋陸
放翁也

卷二十

第三頁

白頭又欲輕桐背桐疑當作相

虎頭未

可輕搖筆搖疑作投

第五頁

莫將衣翰誇餘子衣疑當作文

第七頁

喜客泉詩注廣東廉泉廉當作貪

第八頁

劉澹齋求米舡下疑脫詩字

第九頁

晚無書畫真無益晚無疑當作晚耽 誰

是錦里秋風客是疑當作知

第十六頁

歸去東吳去字下疑闕一字此句當五字

日影詹身影字下疑闕一字此句當七

字

第七頁 縱是延年如何益如疑當作知

第八頁 又鍊清氣鍊字疑誤此字當用平聲 猶

有傷春意猶字下疑脫自字此句當用六

字

牆東類彙陸刻舊本余爲校刊數十條光緒丙申毘陵盛氏刻入常州先哲遺書中而以余所著校刊記附於後重加繙閱以舊本所校之未盡者並盛刻譌誤處復得三十餘條補鈐於此俟更得善本校正焉

卷五

舊本第三頁下亦頌之遺意也頌盛本誤作訟訟頌古

雖通用應從今文作頌盛本第三頁上

第八頁下下漑田十餘萬頃頌盛本誤作傾 境內

大旱旱又誤作早 第十三頁上

第廿頁上 今之捍海隄捍盛本誤作捍 第十五頁

卷六

第五頁下 鞠爲園蔬蔬盛本誤作疏疏蔬古雖通

用應從今文作蔬 第四頁上

第六頁下 旱潦相仍旱盛本誤作早 比擅興罪

奈何興似當作與 第五頁上

第五頁下 天球誰篆球盛本誤作珠 髣石鼓之

遺髮疑當作倣抑或髮下脫去鬚字俟考 第十一頁上

卷十

第十頁上 此名消梅梅盛本誤作海 第七頁下

卷十一

第十頁上 書聲嗶啞啞盛本誤作呻 第九頁上

卷十二

第三頁上 團結義民結盛本誤作給 守圍鄉井

圍又誤作團 第二頁上下

第五頁下 奪要牛隻要盛本誤作娶 第四頁上

第七頁下 臺家聞奏家字疑誤 第五頁下

第九頁上 中奉大夫廣東道宣慰使都元帥墓志

銘都元帥下似應增輝和爾公四字 第六頁下

第十頁 潛給諸洞給應作結 第八頁上

第三頁上 充拏手千戶拏似當作弩 第九頁下

卷十三

第二頁上 行獲遣矣遣當作譴 第一頁下

第二頁下 女三長適某次適某三疑二字之誤 第

二頁上

第九頁上 次許適沈某未易疑嫁字之誤 第六

頁下

第四頁下 稿死矚下者稿當作槁 第十頁下

第八頁上 門廡堂營營疑室字之誤 第十二頁下

第十八頁

上下

君生宋嘉熹三年熹當作熙 宜人慈

惠幼儉幼疑劬字之誤

第十三頁上下

第十九頁

下

井納諸壙井當作并

第十四頁上

第二頁

上

六日乃歛日盛本誤作月

第十五頁下

卷十四

第二十頁

上

感世事之輪雲輪雲二字疑

第八頁下

卷十五

第二頁

上

虞山桓西城桓疑互字之誤

第八頁下

第九頁下 錫穴纒冷泉冷當作冷 第十三頁下

第六頁下 不雨龜拆田拆當作坼拆坼本通而龜

坼則應從坼 第十八頁下

卷十六

第十頁上 酒開寫出陽關圖開當作闌 第七頁下

第三頁上 兩竹卸籜連苔斑兩應作雨 第九頁下

第四頁下 睠言玉局老飛仙睠盛本誤作賤 第十

頁下

第五頁上

盧陵二老當時在盧當作廬

第十一頁

上

卷十九

第一頁上

吟苦不成寐寐盛本誤作麻

第一頁上

補遺

第三頁下

君泊如也泊盛本誤作汨

明遠等卜

以二月之某日按上文以至治元年辛

酉之二月卒又言子男二人遠次莒則

明既非子之名若卒以二月葬亦以二月則當云卜以是月之某日葬不當復紀二月恐明字下脫去一年字

第三頁

上下

第五頁

下

山墅梅花蹋雪尋蹋盛本誤作榻

第四

頁上